

Plean Straitéiseach 2016 - 2020



*Ár gComhshaol
Ár bhFolláine*



Réamhrá Ard-Stiúrthóir an GCC

Leagann an Plean Straitéiseach seo amach an méid atá sé i gceist againn a bhaint amach sna cúig bliana amach romhainn chun ár sainordú agus ár misean a chur i gcrích, is é sin ár gcomhshaol a chosaint agus a fheabhsú mar shócmhainn luachmhar do mhuintir na hÉireann.

Seo an cúigiú plean straitéiseach foirmiúil dár gcuid ó bunaíodh an GCC. Cuireann sé leis an rath agus an méid atá bainte amach againn trí na straitéisí roimhe seo. Tá sé á fhoilsiú fad is atá an chuma air go bhfuil biseach eacnamaíoch ag teacht ar Éirinn. Tá sé níos tábhachtaí anois ná mar a bhí riamh go mbeidh an comhshaol chun tosaigh agus é ag croílár na gcinntí a dhéantar.

Is ionann forbairt inbhuanaithe agus ceangal a dhéanamh idir an comhshaol, sláinte, folláine agus an geilleagar. Bíonn bonn le dea-stíleanna maireachtála i gcomhshaol fásmhar glan. Is ionann seo agus tír ina bhfuil geilleagar beoga, daoine agus pobail a chabhraíonn lena chéile, a bhfuil meas acu ar a chéile, agus mar bhonn riachtanach, comhshaol cosanta a n-aithnítear a luach agus na tairbhí a chuireann sé ar fáil dúinn chun gur féidir linn saol sábháilte sláintiúil a chaitheamh. Caithfimid ceachtanna an ama atá caite a fhoghlaim agus a chinntiú go mbainfear athnuachan eacnamaíoch amach ar bhealach inbhuanaithe agus fás eacnamaíoch a dhíchúpláil de bhrúna comhshaoil.

Is sa chomhthéacs seo atá téama uile-ghabhálach an Phlean Straitéisigh seo aitheanta againn, is é sin, “Ár gComhshaol – Ár bhFolláine”. D’fhonn tacú leis an téama seo, tá cúig sprioc straitéiseacha aitheanta againn a chuirfidh fócas soiléir ar fáil dár n-obair sna blianta amach romhainn. Táimid tiomanta tríothu seo ár bpríomhfheidhmeanna a neartú agus a fheabhsú, lena n-áirítear rialáil, forfheidhmiú agus measúnú. Táimid ag leagan béim mhór ar dhíriú ar phríomhthosaíochtaí comhshaoil ina bhfuil ról mór againn féin, lena n-áirítear cáilíocht aer agus uisce, athrú aeráide agus feabhsú an chreata chosanta ar radaíocht in Éirinn.

Tá cuid mhaith d’fhadhbanna comhshaoil an lae inniu casta agus tá gá le freagairt leathan thras-earnála agus shochaíoch orthu. Is comhfhreagracht é comhshaol na hÉireann a chosaint agus a bhainistiú, rud a bhfuil gach duine a bhfuil cónaí orthu agus a oibríonn in Éirinn freagrach as. Táimid tiomanta ár gcuid féin a dhéanamh sa GCC agus beimid ag leathnú ár ról thionchair, abhcóideachta agus comhpháirtíochta d’fhonn cabhrú lenár sainordú agus ár bhfís a bhaint amach. Déanfaimid teagmháil bhreise leis an bpobal maidir le cosaint agus feabhsú an chomhshaoil agus slógfaimid pobail chun réitigh a fhorbairt le haghaidh táirgeadh agus tomhaltas níos inbhuanaithe.

Is comhchuid riachtanach de mhúscailt feasachta ar an gcomhshaol é eolas soiléir cruinn tráthúil i measc an phobail agus lucht ceaptha polasaithe agus cinnteoireachta. Mar chuid dár dtosaíochtaí straitéiseacha, beimid ag luathú forbairt bealaí cuir chuige agus uirlisí nua, agus béim ar leith á leagan ar chur ar fáil eolais inrochtana le ligean do dhaoine cinntí eolacha a dhéanamh dóibh féin, dá dteaghlaigh, dá bpobail agus dá ngnóthaí.

Tá sé de phribhléid ag an GCC foireann atá fíorthréitheach, gairmiúil agus díograiseach a bheith againn, agus tá ríthábhacht ag baint leo agus muid ag iarraidh ár sainordú agus uaillmhianta a chur i gcrích. Táimid tiomanta na tacaí riachtanacha a chur ar fáil dár bhfoireann le ligean dóibh dul chun cinn mór a dhéanamh ina gcuid oibre agus chun an cultúr ceannaireachta, nuálaíochta agus athchóirithe a leabú ar fud na heagraíochta chun ár spriocanna straitéiseacha a bhaint amach.

Bhain forbairt an Phlean Straitéisigh seo leas mór as rannpháirtíocht shármhaith ár bhfoirne agus ionchur cuid mhaith scairshealbhóirí, Coiste Comhairleach an GCC san áireamh. Tá mé ag súil le hobair a dhéanamh libh go léir chun an straitéis uaillmhianach seo a chur i gcrích.



FÍS

Comhshaol glan folláin dea-chosanta a thacaíonn le sochaí agus geilleagar inbhuanaithe.

MISEAN

An comhshaol a chosaint agus a fheabhsú mar shócmhainn luachmhar do mhuintir na hÉireann. Ár ndaoine agus an comhshaol a chosaint ar éifeachtaí díobhálacha radaíochta agus truaillithe.

LUACHANNA

Ár Maoirseacht

Guth iontaofa neamhspleách údarásach ar son an chomhshaoil is ea muid.

Déanaimid cinntí oibiachtúla agus iad bunaithe ar an bhfianaise agus an t-eolas eolaíoch is fearr atá ar fáil.

Bainistimid ár n-acmhainní go héifeachtach agus go héifeachtúil chun luach a chur ar fáil don phobal.

Ár nObair

Déanaimid rialáil ar bhealach cóir comhréireach trédhearcach, agus dírimid orthu siúd nach mbíonn comhlíontach.

Déanaimid difríocht trí obair a dhéanamh le dreamanna eile chun iontaoibh, líonraí agus comhpháirtíochtaí a chruthú ar mhaithe le torthaí éifeachtacha a bhaint amach.

Déanfaimid ár ndícheall go leanúnach feabhsú agus feabhas a bhaint amach trí fhoghlaím agus forbairt.

Ár Seirbhís

Táimid nuálaíoch, oiriúnaitheach agus toilteanach bealaí nua agus solúbtha oibre a l eanúint.

Déanaimid seirbhísí a dheardh agus a sholáthar ó dhearcadh an tsaoránaigh.

Cuirimid ár seirbhísí ar fáil ar bhealach atá inniúil, cúirtéiseach agus sofhreagrach.

Ár gComhghleacaithe

Oibrímid le chéile chun torthaí éifeachtacha a chur ar fáil.

Tacaímid lenár gcomhghleacaithe, tá iontaoibh againn astu agus is mór againn iad, agus bímid ag cumhachtú a chéile chun cinntí a dhéanamh.

Bímid oscailte agus macánta lena chéile.

Tugaimid dúshlán a chéile agus spreagaimid a chéile go cuiditheach chun obair níos fearr a dhéanamh.

AN MÉID A DHÉANAIMID

Eolas

Sonraí, measúnuithe agus fianaise ardchaighdeán spriocdhírithe thráthúil a chur ar fáil le cur le cinnteoireacht ag saoránaigh, gnóthaí agus an Rialtas.

Rialáil

Rialáil agus córais chloí comhshaoil éifeachtacha a chur i bhfeidhm, chun dea-thorthaí don chomhshaol agus do dhaoine a bhaint amach, agus díriú orthu siúd nach mbíonn ag cloí leo.

Abhcóideacht

Obair a dhéanamh le dreamanna eile chun abhcóideacht a dhéanamh ar son comhshaoil atá glan, sláintiúil agus dea-chosanta agus ar son iompraíocht chomhshaoil inbhuanaithe.

MAR A DHÉANAIMID É

Monatóireacht agus Measúnú

Taighde agus Saineolas

Eolas Tráthúil agus Inrochtana

Ceadúnú

Forfheidhmiú

Treoir

Comhpháirtíochtaí agus Líonrú

Múscailt Feasachta

Iompraíocht Inbhuanaithe a Chur Chun Cinn

Dréacht-Straitéis

2016-2020

Dréacht	Cuspóirí	Torthaí An Méid a Bheidh Bainte Amach Againn faoi 2020
Rialtóir Iontaofa Comhshaoil	<p>Cinntiú go ndéantar forbairt leanúnach ar chur chuige comhréireach éifeachtach rialaitheach.</p> <p>Ailiniú a dhéanamh ar acmhainní an GCC chun idirghabhálacha a spriocdhírú agus an riosca comhshaoil a laghdú.</p>	<ul style="list-style-type: none"> Cur chuige sofhreagrach rialaitheach atá bunaithe ar rioscaí agus a chuireann páirtithe leasmhara san áireamh agus a chosnaíonn an comhshaoil agus daoine. Rioscaí laghdaithe comhshaoil ag áiseanna rialáilte an GCC trí idirghabhálacha saincheaptha agus trí chinntiú go mbíonn forálacha cuí airgeadais i bhfeidhm. Baint amach soláthair agus bainistíochta feabhsaithe uisce agus bonneagar uisce.
Ceannaire Fianaise agus Eolas Comhshaoil	<p>Baint Amach acmhainneacht iomlán eolas, scileanna, shaineolas agus láithreach réigiúnach an GCC mar phríomh-acmhainní náisiúnta i gcosaint an chomhshaoil agus sláinte an duine.</p> <p>Luathú an tsoláthair eolais thráthúil shaincheaptha le freastal ar riachtanais ar leith na ngrúpaí páirtithe leasmhara.</p>	<ul style="list-style-type: none"> Measúnuithe comhshaoil níos tráthúla atá bunaithe ar fhianaise le cur le polasaithe agus cinnteoireacht go náisiúnta, go réigiúnach agus go háitiúil. Soláthar feabhsaithe eolais ar an gcomhshaoil do pháirtithe leasmhara, agus é ar líne, cothrom le dáta agus inrochtana. Clár taighde a dhíríonn ar bheirne eolais agus a chabhraíonn le réitigh ar fhadhbanna éiritheacha casta comhshaoil a aithint.
Abhcóide agus Comhpháirtí Éifeachtach	<p>Neartú chumas agus acmhainn an GCC tionchar a imirt, abhcóideacht a dhéanamh agus dul i gcomhar le dreamanna eile le cabhrú le comhshaoil glan sláintiúil atá cosanta go cuí a bhaint amach.</p> <p>Teagmháil a dhéanamh leis an bpobal i gcosaint agus feabhsú an chomhshaoil.</p> <p>Cur Chun Cinn a dhéanamh ar fheasacht níos mó ar thionchar cháilíocht an chomhshaoil ar shláinte an duine.</p>	<ul style="list-style-type: none"> Deiseanna spriocdhírthe le tosaíochtaí comhshaoil agus inbhuanaitheacht a chomhtháthú le polasaithe earnála, eacnamaíocha agus sóisialta. Clár rannpháirtíochta pobail a fhorbairt chun feasacht ar cheisteanna comhshaoil a mhéadú agus tacú le rannpháirtíocht an phobail i gcosaint an chomhshaoil. Comhoibriú le gníomhaireachtaí stáit agus comhlachtaí eile chun tairbhí dea-chomhshaoil don tsláinte agus d'fholláine a bhaint amach.
Freagairt ar Phríomhdhúshláin Chomhshaoil	<p>Dul i ngleic leis na dúshláin a bhaineann le cáilíocht fheabhsaithe uisce a chur ar fáil in Éirinn.</p> <p>Teagmháil le comhpháirtithe straitéiseacha eile chun forbairt freagartha iomlánaíche náisiúnta ar an athrú aeráide a chur chun cinn.</p> <p>Feabhsú a dhéanamh ar chosaint aeir agus radaíochta in Éirinn.</p>	<ul style="list-style-type: none"> Estruchtúir éifeachtacha agus láidre i bhfeidhm chun torthaí níos fearr a chur ar fáil i gcáilíocht an uisce. Rúnaíocht um an athrú aeráide a bhunú sa GCC mar ionad feabhais a thacaíonn leis an aistriú náisiúnta go geilleagar ísealcharbóin. Na creata um cháilíocht aeir agus cosaint ar radaíocht a neartú chun daoine agus an comhshaoil a chosaint tuilleadh.
Ar Fheabhas go hEagraíochtúil	<p>Forbairt a dhéanamh ar ár bhfoireann agus ár n-eagraíocht a ailiniú chun na torthaí comhshaoil is fearr a bhaint amach.</p> <p>Díriú ar fhorbairt agus cur chun cinn sláinte eagraíochtúla, folláine agus sábháilteachta ag an obair.</p> <p>Cur chun cinn a dhéanamh ar chultúr ceannaireachta, athchóirithe agus nuálaíochta.</p>	<ul style="list-style-type: none"> Ár bhfeidhmeanna agus acmhainní a ailiniú ar mhaithe le bheith sofhreagrach agus in ann dul in oiriúint do dhúshláin éiritheacha. Teagmháil leis an bhfoireann go léir chun timpeallacht thacúil ionad oibre a chruthú. Cumas feabhsaithe i réimse an athraithe eagraíochtúil agus in úsáid TFC le tacú le hathchóiriú agus nuálaíocht.



www.epa.ie

Ceanncheathrú

Bosca Oifig Phoist 3000,
Eastát Chaisleán Bhaile Sheáin
Contae Loch Garman, Éire

T +353 53 916 0600

F +353 53 916 0699

R info@epa.ie

Íosghlaoig: 1890 33 55 99

twitter: @EPAireland

www.youtube.com/user/epaireland

